

LISTAAN DAGITI KARBENGAN

DAGITI TATTAO A MAKIPARTISIPAR ITI EKSPERIMENTO

Dagiti sumaganad a karbengan a nakalista iti baba ket dagiti karbengan ti tunggal tao a kiniddaw a makipartisipar iti panagsukimat a panagadal. Kas maysa a tao a makipartisipar iti eksperimento, addaanka kadagiti sumaganad a karbengan:

- 1) Mapakaammoan no ania ti kayat a matakuan ti panagadal,
- 2) Mapakaammoan no ania ti mapasamak kenka ken no aniaman kadagiti proseso, ag-agas, wenno aparato ket naiduma kadagiti maus-usar iti kadawyan a maar-aramid,
- 3) Mapakaammoan maipapan kadagiti masansan ken/wenno importante a peggad, madi nga epekto, wenno dagiti saan a nasayaat a rikna a mapasamakto kenka para kadagiti panggep ti panagsukimat,
- 4) Mapakaammoan no adda manamnamam a benepisio kas maysa a makipartisipar, ken, no adda, ania dayta a benepisio,
- 5) Mapakaammoan maipapan kadagiti dadduma a pagpiliam ken no nasaysayaat kadi wenno dakdakes dagitoy ngem ti pannakipartisipar iti daytoy a panagadal,
- 6) Mapalubusan nga agsaludsod iti aniaman mainaig iti panagadal agpada a sakbay nga umanamong a makipartisipar ken bayat a maisaysayangkat ti panagadal,
- 7) Mapakaammoan no ania a medikal a panagagas ti adda no addaman rumsua nga aniaman a kumplikasion,
- 8) Agkedked a makipartisipar wenno agbalbaliw ti panunotko maipapan iti pannakipartisipar kalpasan a mangrugi ti panagadal. Daytoy a desision ket saanna nga apektaran ti karbengam a makaawat iti pannakataripato a maawatmo koma uray no saanka a nakipartisipar iti panagadal,
- 9) Makaawat iti pirmado ken addaan petsa a kopia ti pormas ti pammalubos,
- 10) Nawaya manipud iti pannakapilit no panpanunutem no kayatmo ti makipartisipar wenno saan iti panagadal.

Ibaganto kaniam ti doktormo iti panagadal no ti panagsukimat a panagadal ket banbantayan ti Food and Drug Administration (FDA). No daytoy a panagadal ket banbantayan ti FDA, iti babaen ti Federal Food, Drug, and Cosmetic Act (FD&C Act), mabalin nga inspeksionen ti FDA ken mangala iti kopia dagiti amin a rekord a mainaig iti pannakipartisiparmo iti panagadal.

No addaanka kadagiti dadduma a saludsod, masapul nga agsaludsodka iti tagasukimat wenno iti katulongan ti tagasukimat. Mainayon pay, mabalinmo a kontaken ti Institutional Review Board (IRB), nga isu ti responsable para iti proteksion ti makipartisipar kadagiti proyekto a panagsukimat. Mabalinmo a tawagan ti opisina ti IRB iti: (415) 476-1814 manipud 8:00 AM agingga 5:00 PM, Lunes agingga Biernes, wenno suratan iti UCSF Human Research Protection

Program, Box 1288, 490 Illinois Street, Floor 6, San Francisco, CA 94143, wenno babaen iti email iti irb@ucsf.edu.

Tumawag iti (415) 476-1814 wenno ag-email iti irb@ucsf.edu para iti impormasion kadagiti naipatarus.